

Radøy kommune

Saksframlegg

Saknr	Utval	Type	Dato
001/2019	Kommunestyret i Radøy	PS	12.03.2019

Sakshandsamar	Arkivsaknr.:	Dokumentnr.:
Arthur Kleiveland	19/435	19/2579

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Kontrollrapport 2018 - Skatteoppkrevjaren for Lindås, Meland, Modalen, Osterøy og Radøy
- b. Kontrollutvalet i Radøy – møteutskrift 13. februar 2019
- c. Kontrollutvalet i Radøy – årsmelding 2018
- d. AUFERA – årsrapport 2018
- e. Årets kulturkommune – pressemelding NOKU Hordaland
- f. Region Nordhordland Helsehus IKS – protokoll representantskapet 7. desember 2018
- g. Nordhordland Revisjon IKS – møteutskrift representantskapet 7. desember 2018
- h. Nordhordland utviklingsselskap IKS – protokoll representantskapet 7. desember 2018
- i. NGIR – referat representantskapsmøte 29. oktober 2018
- j. Orientering frå rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Kommunestyret i Radøy - 001/2019

KS - handsaming:

Økonomisk resultat: Økonomisjef Sveinung Kvamme orienterte om det svært gledelege resultatet for Radøy kommune i 2018. Kommunen fekk eit netto driftsresultat på 16,5 mill. kroner - eller 3,6 prosent, som er om lag 8,3 mill. betre enn budsjett. "Botnlina" viser pluss på over 21,4 mill. kroner, som er om lag 8,2 mill. betre enn budsjett. Økonomisjefen sa at grovt sett skuldast avviket i høve til budsjett auka inntektsutjamning på 1,8 mill, auka statlege tilskot på 1,2 mill, og innsparingar i drift på om lag 5 mill. Korrigert for bruk og avsetjing til bundne fond, viser den "reine" drifta eit netto driftsresultat på om lag 5,6 mill. kroner, eller 1,4 prosent av driftsinntektene. I 2017 var tilsvarande tal 6,5 mill. kroner.

Brutto lånegjeld ved utgangen av 2018 var 312 mill, ein auke frå 281 mill i 2017. Netto lånegjeld er om lag kr 53.576 pr innbyggjar, mot 48 259 i 2017, og i høve til samla inntekter har gjelda auka frå 55,7 prosent til 59,7 prosent.

Økonomisjefen opplyste at endeleg rekneskap for 2018 vert lagt fram for kommunestyret til godkjenning i junimøtet.

Kreftkoordinator: Anne-Britt Hauge orienterte om sitt arbeid som kreftkoordinator.

Nedgravde renovasjonsløyningar: Kommunikasjonsrådgjevar Håvard Skutle og dagleg leiar Bjørn Berg i NGIR orienterte om nedgravne renovasjonsløyningar.

Årsrapport Aufera: Ordføraren trekte årsrapport for Aufera 2018 frå sak om meldingar og referatsaker. I staden vil årsmeldinga for verksemda verta lagt fram for kommunestyret i junimøtet.

Finansiering Nordhordlandspakken: Roy Bø (FRP) orienterte om eit møte Alver FrP har hatt med samferdselsminister Jon Georg Dale. Her vart spørsmålet om større statleg finansiering av Nordhordlandspakken tatt opp. Roy Bø peika på at det er lagt opp til at staten berre skal inn med 20 prosent av kostnadane i bompengepakken i vår region, medan det i bompengefinansiert vegprosjekt i Os er lagt opp til 60 prosent statleg finansiering. Bø sa at han oppfatta at statsråden kan vera villig til å sjå på finansieringsopplegget i Nordhordlandspakken.

Kommunestyret tok meldingar og referatsaker til orientering, med dei tillegg som vart sett fram i møtet.

KS - vedtak:

Meldingar og referatsaker vert tekne til orientering.

Vedlegg:

Kontrollrapport 2018 vedrørende skatteoppkreverfunksjonen for Lindås, Meland, M (L)(212212)

Møteutskrift Kontrollutval Radøy 13_februar 2019

Årsmelding 2018 - Kontrollutval Radøy, vedteken 2019 02 13

AUFERA årsrapport 2018

Pressemelding - RADØY KOMMUNE KÅRA TIL ÅRETS KULTURKOMMUNE I HORDALAND

RNHI _ møteutskrift representantskap 7_desember 2018

Nordhordland Revisjon IKS _ møteutskrift representantskapsmøte 7_desember 2018

Nordhordland Utviklingsselskap IKS _ møteutskrift representantskap 2-2018 7. desember

NGIR _ møteutskrift representanskapet 29.10.18